

明

清

齋

諸晦香輯

小

識

第四冊

進步書局校印

明

卷

一

上

卷

二

下

卷

三

明齋小識卷十

清 青浦諸聯晦香輯

專工舉業

操觚家研覃帖括。而人惡雋異。俗疵文雅。致名隨身逝。生前傳杜默之歌。死後無方干之第。殊堪愍嘆。邑中前輩及予相知者。如呂仁榮。錢恭宜。張紹宗。鄒鎬。黃應澄。周渠。曹希煌。朱照。方明梓。顧大鏞。陸熙。胡梓榮。胡師謙。顧松。蔡寅初。陸椿。蔡文蔚。何機。蔣兆桂。湯祖炎。葉之堅。潘義耘輩。皆有聲譽序。馳騁文壇。未數十年。舉其姓氏。後進誦誦。或有茫然者。故臚而記之。

寄籍中式

珠溪某有二子。旋死。妻再醮。挈幼孩去。長鬻某僧寺。便習梵唄。則以珠彈鵝。以劍獲穗。迄無就。適歸安趙宦。隨喜至寺。攜去。令值書塾。塾師見早惠。亦教之讀。白主人從趙姓應試。尋舉孝廉。戊辰。升于禮部。不忘源本。遣人來訪。逢其弟。言蹤蹟。胎合。因甫釋褐。未便歸宗。然趙固長者。他年或如其願也。張古村有碧城詩。專咏此事。

駕鸞牒

某生故簪纓裔。未冠溫雅若處子。聘中表妹。靡顏膩理。貌相敵。莫雁有期。人羨天生對偶。乃于戊辰春。狎一老嫗。面麻齒歷。臆惡不可親。而歡愛若禽鶼魚。鰥阿家翁逐嫗。生偕宵遁。徧尋數月。始獲。明年有某姓女。亦詩禮後。能書善畫。貌更曼妙。父鍾愛之。擇配無快婿。故二十未醮。不意標梅自感。竊通腐店傭工。年逾艾。狀如鬼。徑踰堦垣。弗愁多露。聞之令人扼腕。思食櫟實。余嘗謂天下第一韻事。為佳人才子。而最不可耐者。村俗之淫黷也。兩兩相懸。斷無撓越。今乃顛倒錯亂。猜測皆窮。有心人能無斟慙。因記程羽文鴛鴦一牒。將古今缺陷者巧相配耦。真箇春風在手。抹殺月下老人。

觀音堂尼

南門內觀音堂尼。本良家女。遇人不淑。皈依于此。清修苦行。廿餘年。後病篤。請諸檀越來曰。予壽弗將。有事煩諸公。我祝髮空門。與俗斷。所備什物。即錙銖皆親手創。雖弟在此。不得與聞。後有住持。當悉以付。請為我登諸簿。人皆唯唯。遂焚香圓寂。翌日。弟萌私念。將攜所有走。眯目。竟迷徑路。急詣覺皇懺悔。矢纖芥無所敢取。頓覺一室光明。忽佛座飄紙條下。拾視為某莊錢票。呈諸施主。僉曰。此殆所以貽爾者。于是持

去不復來。

探梅

距城十里為慧日教寺種梅數百株開時如雪遊蹤不斷予于屠維大荒落歲同友十四人荷盃尋遊攜較書一歌伶五皆垂髫姍女綽約可愛維時東風乍暖積雪初消花已半吐香可襲衣散坐梅根擲落間村中人咸挈女襁兒佇而凝望寺僧往來蹀躞如蟻之走盤予等開尊布席以雪滿山中高士卧月明林下美人來句拈闌分咏使歌伶拍彈以和杯盤狼籍坐起無常但覺吟哦聲笑語聲鞞婆箏笛聲搯戰聲嬌女歌聲旁觀嘖嘖艷羨聲錯雜不可辨已而禽聲嘲哢梅影橫斜知日薄虞淵便載酒而還一船明月蕩漾通波塘上不知愁城何處也時孟陬十四日

聞人後嗣

楊潭西先生為吾邑聞人而名高福薄嗣續若斷若連令人感喟所生子崇効字子知為邑諸生早即反真以內姪潘椒衍為子字盈持亦諸生生子元吉悲中殤以椒衍之姪疇敬子壽楠為子又長殤子甫剪鬚致封塋湮沒展掃無人日愁腹削幸前王在川先生謁其墓識以石碣庶幾一坏之土不淪于荒烟蔓草中

銅案

十三年八月十六夜。有蘇州銅商徐姓。以生銅五萬觔。寄城南外李姓家。擔舂至曉。未盡。鄰里覩然。被北筭山把總詳縣。縣草草解于蘇。把總復詳提臺。時薛公大烈。棘不阿好。與時攬挹。於是撫軍上聞。查得來歷。有銅行發票。暨關稅票。事遂寢。徐已費銀一萬六千兩。李則崔嵬不崩。賴有峽岬。

治痘

郭駁聲九折臂而成醫。尤神治痘。不循古方。獨出新意。得回生訣。許甘南先生幼時出痘。尊君與部厚。往邀之。曰是不可為。然君祇此子。我何忍坐視。君能買人參三觔乎。曰能。能覓肥豬三頭。各重百觔者乎。曰能。遂取豬油將參打爛。與麵調和。周身包裹。令置地穴中。隔日成黑色。麵中皆細蟲。洗濯其體。痘即現出。又竹竿蘸王氏子。六月染痘疾。挺卧如屍。部謂急治尚得十半。但不宜居華廈。環視廡廡綺窗。不中用。後至窖酒所。蟲聲如雷。卑溽昏弗見掌。令鋪稻草。抱兒眠其上。扇鎖便出。日旰聞泣聲。開戶視之。蚊嘅兒體。無絲毫空。曰藉蚊叮毒去。然後施為。後果痊。又鄰兒不幸短命。部請進視。探荒爪幕。探其氣斷矣。按其脈無矣。捫其胸冷如冰矣。捻至足。曰未殯也。其家

破涕為笑。問何如。曰。多擣甘蔗。勒薺汁灌之。灌至半盞。有一滴下咽。復灌之。三日而霍然起。是其外孫婿范公星聚所談。

產蛋

廣富林顧氏有婦懷孕。臨盆得蛋無數。髣髴雞子鴨子狀。後亦無恙。嘉慶十三年事。

赴部告逆

張李兩上舍。本水乳交。後抵牾。互相掉磨。李訟同族嗣產。張右其族。如得番之糜齒牙。李恚。赴都控張糾通邪教。謀為不軌。稱張曰神機軍師。株連數十人。其中某為黑夜行兵。某為自稱明後。語多駭人。上命汪撫軍鞠。不實。依律罪李。餘皆放釋。

學師手搏

邑中兩學師。教諭奢而豪。訓導褊而嗇。各如水炭。又性皆卞急。未曾佩章。自是其所。以乃公事必爭執不休。積久未相決。一日在明倫堂口角。繼以手搏。一攜小刀出。一始逡巡避。後訓導委世子纔勝衣。無應門僮。教諭經理其喪。竭情畢力。前隙都忘。尚難能而可貴也。

鶴鵝

予外舅畜一鷓鴣。名黑眼。慘臉發腮。矯捷善鬪。所向披靡。繼以醉坐折其翼。人或忽易之。而勁健如故。携至郡。與一鷓鴣號接舌。凡與敵者。舌必為其所斷。明知下風。受約不能悔。姑試之。甫角而黑眼卧。任其呀啄。啄至千餘。窺敵力竭。陡起一啄。接舌飛去。繇是拳鷓鴣輩。相戒避其鋒。籠養十餘年。大小數千戰。未嘗敗北。近來儀僑惠以白米二十石。易一頭。度長絜大。未知何如。

又

何淡安愛鷓。有鄉人以鷓來售。名紫毛。碌碌無甚奇異。因價賤買之。亦尋常畜之。至三年。未見推衄。以此異焉。若奉驕子。時西鄉設圈為戰局。浙江有白蝴蝶者。驍勇噪一時。眾莫敢抗。聞紫毛名。願角勝負。約注千緡。示期鏖戰。人謂此乃鉅鹿昆陽之役。聚而觀者如堵。及鬪。僅一撲。白蝴蝶飛走。未知何以勝也。適嘉定夫已氏亦愛鷓。被紫毛殲盡。乃廣購異鷓。願洗前恥。後獲白唐。善以嘴撕翼。馳名江浙間。與紫毛對壘。搏擊良久。稍間。敵來撕翼。紫毛斂其翼。轉身便啄。彼鷓之翼。毛去其七。又得慣嚙足者。較前更捷。昂然而來。紫毛藏足于腹。還啄之。足即斷。閱五六年。老矣。頭下垂。毛羽盡落。殲後不能走。與新鷓鬪。卧而應敵。噉其吭不放。敵鷓飛。亦隨而飛。英銳之氣。老猶未減。

沙岸

北關外有沙岸。橫亘大盈浦之東。高等身。濶數丈。長二十餘里。南至楊家橋。北至吳淞江。土性與岸下迥別。與方泰之沙亦迥別。居人種山藥于上。較他處味加甘。植亦易長。土鬆故也。傳為韓蘄王批沙所築。

倚春集

走幼好偷聲減字之癖。舉業餘暇。輒便依腔譜調。積月日。得三四百闕。彙為一帙。自識曰。倚春小咏。被先君呵禁。稿遂散棄。今鈔所記憶者。懽懽未諳聲病。并不免為法秀所譏。歸自謠曰。人無賴。擁衾虛聽。牕紗外。松風蕉雨聲聲碎。懊惱唱罷。心如醉。燈花墜。偏不教愁人不睡。醉太平曰。雨零未晴。風吹未停。芭蕉葉上淒淒清。隔牕兒細聽。更殘酒醒。魂牽夢縈。熒熒燈火微明。是何曾睡成。生查子曰。徙倚鏡奩旁。渾是嬌慵態。索性出房簾。休欠相思債。覩着短牆陰。有箇人兒在。半晌不擡頭。只撚羅裙帶。點絳脣曰。好事何如。東君欲別。留難住。柳絲無緒。錯認同心縷。一霎春濃。又落花如雨。愁無語。清魂幾許。任這般銷去。又曰。人困春深。輕衫可耐。東風緊。蛾眉雙損。閒却妝臺粉。斜月朦朧。兀照人愁悶。閒思忖。繡衾香枕。有幾時眠穩。濕羅衣。日酒醒還是問金

尊離腸無計能溫一鈞斜月。捱過黃昏。生涯愁緒紛紛。掩重門。海棠垂淚。杜鵑啼血。斷送殘春。訴衷情曰。幾重屈戌。鎖空房。孤焰漾銀缸。無奈蕭蕭疎雨。只管打踈牕。寬羅帶。卸羅裳。細思量。梁間燕子。池上鷺鷥。怎地雙雙。好女兒曰。風起捲朱簾。刻襪下階墀。驀見一雙蝴蝶。飛上小桃枝。悶悶有誰知。謾遠望。惆悵多時。那人何處。東風吹矣。瘦了腰肢。卜算子曰。何事供清賞。人與秋相向。眼下澄波眉上山。畫本新花樣。生計今無恙。細酌醪醑釀。祇怕聲詩倚未成。先被流鶯偷唱。憶秦娥曰。月濛濛。有人無語倚簾櫳。吹開裙帶。笑罵東風。流蘇帳冷繡帷空。慊慊坐起對青銅。對青銅。渾身瘦損。眉黛偏濃。洞天春日。樓前楊柳飛雪。樹上丁香打結。眼尾眉尖。愁疊疊。沒個人兒說。餘寒薄午未歇。又是惱人時節。幾陣輕烟。連朝細雨。做成三月。秋蕊香曰。月白星稀時候。羅幌輕寒怎守。春宵苦短。增傷慙。况又約三更後。燈前細憶同心咒。人來石支頭。獨數聲聲漏。且把香籠薰透。柳梢青曰。立江潭。幾遭風雨。瘦到于今。金縷歌殘。青衫人老。無限沈吟。章臺舊夢誰尋。更說甚。恩情淺深。眉黛剛銷。腰肢漸減。難問春心。桃源憶故人曰。獨眠忒恁清眠早。未省春來多少。樓下有人潛到。虧得鸚哥報閨情。釀就人煩惱。魂夢前宵顛倒。檢點相思草稿。細訴歡知道。迎春樂曰。鳥啼花笑春無

際合料理春生計。游魂還比遊絲細。恐難把春心繫。一陣陣晴烟香氣。身住着錦天
繡地。怎說鶯花成病。病也有些味。醉花陰曰。儘幾日花前斟酒。點點芳情遠。並蒂合
歡枝。依樣描來。繡在羅衫袖。忍寒拚立黃昏後。幾陣涼風透。莫道不添愁。人也如花
花也如人瘦。一剪梅曰。日長無事思盈盈。纔撫銀箏。又弄銀笙。肌銷眉鎖恁心情。酒
也難醒。夢也難成。辜負春光一半晴。小立芳庭。斜倚珠屏。湘簾捲起悄然聽。雨落冥
冥。花落聲聲。別銀燈曰。轉眼斜陽又暮。惹起愁懷無數。鸚鵡洲前。麒麟閣上。多少英
雄黃土。傷今弔古。總不若醒歌醉舞。領畧風塵辛楚。會等何堪為伍。三尺龍泉。一鉤
蟾魄。與爾齊傾肺腑。而今休誤。檢點着茶經酒譜。

繩妓

有繩妓來吾鄉。兼善弄鬢。面若鐵足。巨如籬。觀者肝肝然笑之。婦曰。諸公且弗笑。凡
繩戲人。皆以色。咱獨以藝。諸公若愛色。則勾欄院中。豈少佳麗。何必繩。茲所乏者容
耳。以身事人。固不能。但藝不在人下。今且先試餘技。視彼塗脂抹粉者。何如。遂仰卧于
地。伸足弄鬢。旋轉如丸。少焉。右足擲鬢。高約二丈。將墜。以右足接之。右足擲。左足接
之。更置一鬢。兩足運兩鬢。往來替換。若梭之投。若毬之滾。若鳥之飛翔。忽欹忽側。而

不離于足。又以足承梯。使小兒緣之上。逐層觔斗。屹不蠲動。寓目者詫為奇。究緣貌故。不能得厚貲。住兩日便去。

拳勇

江浦邢某。慆勇。善捏威。其姻戚設店閭巷。被人欺誑。倩邢守禦。居無幾。賒物者至。邢曰。店係我開。自今伊始。不能承命。眾洶湧欲毆。笑曰。邪妻不辨。毆恐未便。撮穀數粒。擲人眶內。欲去不能。因各鳥獸散。有虎而冠者。慣逋欠。畜惡犬拒人。邢步往近籬角。韓獹宋狔咆哮集。適旁積麥柴。握數根俟張吻。即投之。麥芒梗喉。不能吠。俱曳尾跳。最後者猛同虎。爰提其耳。犬猶齧。兩指挾牙落。掉于地斃矣。見者懼。負糶失屈膝。夙逋俱償焉。復一鄉棍。兇惡多力。邢至。出曰。君邢姓。吾所仰。但我逋欠甚多。倘人家各請拳師。則還無了期矣。如有技服我。我亦無吝。邢曰。以手置肩。能同走乎。棍自忖肩可任二十鈞。適爾相許。邢倚左手。輕若敗葉。跣跣走數里。及坐定。身不能起。含塊請救。解其衣。自肩至足皆腫。笑付刀圭。百日而愈。已已遊吾青。寓張姓家。

罵人喪身

揚家橋西塊業負販者。欠水菓行中陸姓錢。到期來索。不能償。陸怒。指天畫地。勢同

國瘠其人勿敢校。卑詞應之。旁觀相聚黨。曉終不得停息。至晚坐而喘。氣色漸變。急告其家。挾掖以歸。半途膚已若冰。

剖魚獲屍

上海東門外。有魚乘海水至。午後潮退。閣于岸。為漁夫所得。巨口大腹。胸吞一人足露口外。恐出之見輕。乃斬足以售。買者剖魚獲屍。見面目。煇化。將買棺為殯。檢腰際挾銀絃結。矜憫支體不全。用草紮足埋之。得享剩餘。漁夫聞其事。深悔貪忍太熾。以致反失多金。

田價

田價莫貴于澱湖。西四十二。四十三保之間。地高而港濶。可辟可瀉。水旱無虞。得是田者。曰田底。每畝值二三十金不等。種者曰田面。農與農私相授。價較昂于底。然賦額頗重。悍吏之來。難犬不竄。緣是價為少減。適來三十四。三十八保中。人多富厚。具李愷癖。樂糧之折也。歲暮務閒。得弛然卧。故有以五十金易一畝者。

忠毅挽詞

李忠毅公長。海濱滅海寇。功冠天下。及騎箕尾。松人感威德。咸作哀挽詩。湯虞尊賦。

五古一百韵。蓮花賦。新樂府八章。具見才識。時戴秋葭師濂擬作祭文。搗搗水師故事。極為膽博。明年王文宗科試策問水師。戴即鉅釘條對。得拔第一。

再生

天馬山縫工俞某之嫂。身死未殯。前日屍起。伴者驚其尸走也。持杖將擊。曰。吾歸耳。何擊為。徐驗聲色。無恐怖。遂扶卧于床。漸啜稀餼。病亦尋瘳。至戊辰再死。已延年二紀矣。是為瞿健行應驥所述。并述其曾祖天漢少遊幕府。棄世數年。家中婢死復甦。人集問訊。曰。頃被兩人繫去。至渡船口。見相公。遂大聲呼叫。相公曰。汝何來。吾今在都城隍府任事。左右給差役。可護送汝。由是得歸。後婢年八十餘。

塾師

蒙師卞姓者。偶午出。諸徒喧鬧。妻出曰。爾等何頑。先生歸。誰為討饒。唯籠中雞乏食。現稻成熟。能取穀子來。可便放學。諸童劫劫竊刀。赴田刈割。鄉人見稻將罄。糾伴縛至城。問誰家兒。兒父母欲扑。咸謂承師母命。諸人造門。詈曰。從師讀書。乃誨作賊。願作賊者來此師。且另擇賊弟子。吾等可罷休。勿勿肩擡橙歸。及卞姓返。學堂空矣。

城守營

城守營署向在南城下。本陳沛霖家田舍。因地近荒僻。故請守公為駐鎮。逮辛丑。漂搖于風雨。守公僦居關帝廟。兵弁出入。污穢之氣。若薰輶。適寶慶河南財神廟神。被三元閣移去。廟為流勾佔。丁巳秋。邑人具稟于縣。請改為營署。時城守譚公亦欣然相請。繼以資用不給。議遂寢。至己巳。廟愈圯毀。鄰保等俾匠人估價。為觀音堂修輯焉。

耆年獲中

嘉慶戊辰。以年逾七十。欽賜舉人者。歲貢生沈寅谷。原名從龍。于乾隆十九年歲試入泮。年七十有六。三場辛苦。歸即抱病。報捷時。已捐館舍。欽賜副榜者。例貢生顧元龍。于乾隆二十年科試入泮。年七十有四。後科庚午。奉賢施勳。上海劉潢。一正榜。一副榜。俱以耆年特選。恩典。前上海李枝桂。年逾八十。壬子。賜舉人。乙卯。賜國子監學正。李蒸。庚申。賜舉人。辛酉。賜國子監學正。蔚為熙朝人瑞。

明王廟

柘澤明王廟。向在城隍廟大門內。乾隆乙巳。移于北關。夏屋三楹。足供香火。至己巳。邑人改造離宮。廣行勸募。土木聿興。而廟在其側。爭奇競勝。亦建戲樓大門。各費千

餘金。夫當十室九空之際。而選事諸君。持簿籍。喋眊索佈施。甘劬。不顧嫌忌。冥冥中將何以報。

盜棺屍活

趙屯橋陳姓者。育養媳。虐之甚。畏威始如虎。釜中實雞臠。饒饌忽張。竊嘗一臠。被姑撞見。蒼皇下咽。梗喉而死。既殯。置棺于野。閱日偷兒計其衣飾。掀棺行竊。凡賊盜棺。必先擊屍胸。然後撕剝。是夜擊三下。喉間格然。下其所吞雞。即有僬僬聲。賊逃。媳徐起。歸扣門。姑驚為鬼。謝罪。願懺悔。媳陳其故。呼四鄰。煮火來燭。無他異。納諸室。至今無恙。

素食

近時士人多奉齋。按日素食。不為諱。不知王制所云。無故不殺。戒奢縱。非教蔬食也。梁武帝令宗廟以麪為犧。時謂不復血食。厥後臺城荷荷。已有明徵。周禮王食一舉。齋日三舉。凡殺牲盛饌。謂之舉。是齋日食肉。反有加矣。論語齋必變食。至不多食。邢疏云。此上皆蒙齋文。又註云。不如葷。葷者。昏神舒氣為穢。楞嚴經云。五葷熟食。發淫增恚。故忌之。按釋氏以大蒜。小蒜。興渠。慈蔥。荖蔥。為五葷。道家以韭。蔥。蒜。薤。芸。薑。為

五葷。若魚肉雞犬類。則為腥。今之奉齋者。腥與葷都未辨晰。

槽坊治棍

東門內朱姓槽坊。稱巨店。鄰多地棍。各恃長喙。利距相噬。攪店俟其來。酌燒酒申勸。勿論值。且授薑為侑酒具。于是但醉不飯。閱二三年俱病。猶瓶甕礙為葷所輟。無復囉哩云。

快意話

中秋夜。諸同人集台齋頭。酒數行。約各言快意事。一客曰。昨和陶公村居詩。叉手而成功。朗誦一通。音節幸不乖舛。一曰。小窗無事。雨綿綿不已。見研留宿墨。為作擘窠大字。免起鵲落。紙盡而墨亦乾。一曰。午後有人持尺牘來。閱之。是邀我明晨賭酒。一曰。昨晚為小兒背書。恰如瓶瀉水。一曰。黃梁枕上。逆境頻仍。正恁疑無主。倏雞唱聲聲。乃知是夢。一曰。今朝向陽。捫蝨殆盡。一曰。空庭老桂。恒不着花。今年忽滿樹皆金。一曰。經籍中疑義數則。久貯心窩。忽來高才生。為我剖析。如撥雲霧。見青天。一曰。項買菱塘鱗數斤。適遇不速客來。攜酒對酌。陶然共醺。一曰。前在博場中。囊錢傾盡。瞥見大注。一擲得之一曰。秋風乍緊。四肢漸蹉跎。聞室人機中布成。將為我作襖。一曰。無